

2014 уй
2013 ху
2013 тал
22-
2013 Уку
22-
2013 Уку
2014 уй 6
2014 уй 6
014 уй 6
013 уй 6

ырова

UZBEKISTON RESPUBLIKASI
FARG'ONA VILOYATI
Farg'ona shahar
Hokimining



РЕСПУБЛИКА УЗБЕКИСТАН
ФЕРГАНСКАЯ ОБЛАСТЬ

ПОСТАНОВЛЕНИЕ

ХОКИМА
города Ферганы

Q A R O R I

2017 yil. "28" октябрь № 1462

Farg'ona shahri

Ижтимоий муҳофазага муҳтож ва меҳнат бозорида тенг шароитларда рақобатлаша олмайдиган, иш топишда қийналаётган шахсларни ишга жойлаштириш учун (квота) иш ўринларини банд қилиб қўйиш тўғрисида

Ўзбекистон Республикасининг «Аҳолини иш билан таъминлаш тўғрисида»ги Қонуннинг (Ўзбекистон Республикаси қонун ҳужжатлари тўплами, 2014 йил, 4-сон, 45-модда) 17-моддасига асосан ҳамда Ўзбекистон Республикаси Вазирлар Маҳкамасининг 2008 йил 20 августдаги «Ижтимоий муҳофазага муҳтож ва иш топишда қийналаётган шахсларни ишга жойлаштириш учун иш ўринларни банд қилиб қўйиш тўғрисида»ги 186-сонли қарори (Ўзбекистон Республикаси қонун ҳужжатлари тўплами, 2008 йил 34-сон, 333-модда) билан тасдиқланган Низом ижросини таъминлаш ҳамда шаҳарда 2018 йил учун мазкур иш ўринлари миқдорини белгилаш мақсадида,

Қ А Р О Р Қ И Л А М А Н:

1. Ижтимоий муҳофазага муҳтож ва иш топишда қийналаётган шахсларни ишга жойлаштириш учун шаҳарда фаолият олиб бораётган корхона, ташкилотларда иш ўринларини банд қилиб қўйиш рўйхати 1-иловага мувофиқ ҳамда иш ўринлари сонини ва уларга қўйиладиган талабларни белгилаш бўйича махсус комиссиянинг таркиби 2-иловага мувофиқ тасдиқлансин.

2. 1-иловага мувофиқ ходимларнинг рўйхат бўйича ўртача сонидан 4463 кишини ташкил этадиган 7 фоиз миқдорида,

Жумладан, ёлғиз ота, ёлғиз она ҳамда 14 ёшгача ва ногирон болалари бор кўп болали ота-оналар учун (241 киши);

таълим муассасаларини тугатган ёшлар учун (1438 киши);

муддатли харбий хизматдан бўшатишган шахслар учун (201 киши);

ижтимоий аҳамиятли касалликлар билан оғриётган шахслар учун (22 киши);

Одам савдоси билан жабирланганларни иш билан таъминлаш учун (27 киши);

Сафарбарлик чакируви захирасига киритилган шахслар учун (134 киши);

Бандликка кўмаклашиш марказида иш қидирувчи сифатида ҳисобда турган пенсия ёшига яқинлашиб қолган шахслар учун (205 киши);

Жазони ўташ муассасаларидан озод қилинган, жазони ўтаётган ёки суд қарорига кўра тиббий характердаги мажбурий чоралар кўрилган шахслар учун (191 киши);

Кичик ёшли болалари бўлган ишламайдиган аёллар учун (89 киши);

Шу жумладан ногиронлар учун белгилаб қўйилган иш ўринларни (3 фоиз 1915 киши) миқдорида иш ўринлари захираси белгилансин (ногиронлар учун ажратилган иш ўринларига истисно тарзида таълим муассасасини тамомлаган шахсларни ишга жойлаштириш мумкин.

3. Ушбу тоифа шахслар учун иш ўринлари ходимлар томонидан ўзларининг меҳнат мажбуриятларини тўсиқларсиз бажаришини таъминлайдиган санитария – гигиена нормалари ва меҳнат шароитларига мувофиқ бўлиши керак, шу жумладан:

Ногиронлар учун саломатлиги ва меҳнат фаолиятига нисбатан қўйиладиган белгиланган кўрсаткичлар ҳисобга олинган ҳолда ходимга меҳнат операцияларини тўсиқсиз бажариш имконини берувчи иш жойлари;

Ўрта – махсус ва касб-хунар таълим муассасаларини тамомлаган ёшлар шунингдек, Ўзбекистон Республикаси қуролли кучларидан, ички ишлар вазирлиги, фавқулодда вазиятлар вазирлиги ва миллий хавфсизлик хизмати қўшинларидан бўшатишган шахслар учун улар ўқув юртларини тамомлаганларидан ёки бўшатишганларидан кейин бир йил давомида уларнинг касб тайёргарлигига мувофиқ келувчи иш жойлари;

Ёлғиз ота, ёлғиз она ҳамда кўп болали ота-оналарга болаларни тарбиялаш ва меҳнат мажбуриятларини бажаришни бирга қўшиб, олиб бориш имконини берувчи ўзгарувчан жадвали иш жойлари;

Жазони ижро этиш муассасаларидан озод қилинган ёки суд қарори билан тиббий йўсиндаги мажбурлов чораларига тортилган шахслар учун махсус малакани талаб қилмайдиган иш жойлари.

Банд қилиб қўйиш мажбурий бўлган касб ва лавозимлар:

Ўрта-махсус ва касб хунар таълим муассасаларини тамомлаган ёшлар шунингдек, Ўзбекистон Республикаси қуролли кучларидан, ички ишлар вазирлиги, фавқулодда вазиятлар вазирлиги ва миллий хавфсизлик хизмати қўшинларидан бўшатишган шахсларга, уларнинг касб-хунар тайёргарлигига мувофиқ келувчи иш жойлари.

4. Шаҳардаги корхона, ташкилот ва муассаса раҳбарларига Ўзбекистон Республикаси Вазирлар Маҳкамасининг 2008 йил 20 августдаги 186–сонли қарори билан тасдиқланган “Ижтимоий муҳофазага мухтож ва иш топишда қийналаётган шахсларни ишга жойлаштириш учун иш ўринларини банд қилиб қўйиш тартиби тўғрисида”ги низомга (кейинги ўринларда Низом деб

юритилади) мувофиқ ижтимоий муҳофазага муҳтож ва иш топишда қийналаётган шахслар учун кўрсатилган иш ўринлари ташкил этилишини;

Йил бошлангунга қадар 10 кундан кечикмай ижтимоий муҳофазага муҳтож ва иш қидиришда қийналаётган шахслар учун банд қилиб қўйилган иш ўринлари умумий сонининг камида 25 (йигирма беш) фоизи ҳажмида иш ўринлари банд қилиб қўйилишини ва тайёр бўлишини таъминласин ва бу тўғрисида Бандликка кўмаклашиш марказига ахборот берсинлар.

5. Ижтимоий муҳофазага муҳтож ва иш қидиришда қийналаётган шахслар учун иш ўринларининг қолган қисмини банд қилиб қўйиш ташкилот (иш берувчи) томонидан календарь йилнинг биринчи чораги мобайнида таъминлансин, бу тўғрисида шаҳар бандлик марказига биринчи чорак тугагандан кейин 10 кундан кечикмай ахборот берсин.

6. Ташкилотлар ҳар чоракда Бандликка кўмаклашиш марказига юқорида кўрсатилган тоифадаги шахсларнинг ишга жойлаштирилиши тўғрисида ушбу Низомга 2-иловага мувофиқ шакл бўйича ахборот тақдим этадилар.

7. Банд қилиб қўйилган иш ўринларининг белгиланган сони ҳисобига ижтимоий муҳофазага муҳтож ва иш қидиришда қийналаётган шахсларни ишга жойлаштириш учун иш ўринларининг тайёрлиги тўғрисидаги ахборотнинг ташкилот томонидан тақдим этилмаганлигига ҳам ва амалда уларнинг тайёр эмаслигига ҳам меҳнат органи маҳаллий давлат ҳокимияти органи қарорнинг бажарилмаганлиги сифатида қарайди.

8. Ушбу қарор бажарилмаган тақдирда ташкилотнинг мансабдор шахсларига ижтимоий муҳофазага муҳтож ва иш топишда қийналаётган шахсларни ишга жойлаштириш учун иш ўринларини банд қилиб қўйиш тартиби тўғрисидаги низомнинг 15-бандига мувофиқ жарима солинади.


9. Шаҳар Бандликка кўмаклашиш маркази (Ш.Махмудов) бир ҳафта муддатда ушбу қарорнинг етказилишини таъминласин.

10. Ушбу қарор қабул қилиниши муносабати билан шаҳар ҳокимининг 2016 йил 7 ноябрдаги 1339-сонли қарори ўз кучини йўқотган деб ҳисоблансин.

11. Белгилансинки, ушбу қарор оммавий ахборот воситаларида расмий эълон қилинган кундан бошлаб кучга киради.

12. Мазкур қарорнинг бажарилишини назорат қилиш шаҳар ҳокимининг ўринбосари Ш.Каримов зиммасига юлатилсин.

Шаҳар ҳокими



Ш.Эркабоев